



Page: 2

Reach: 50000

Country: BOSNIA AND HERZEGOVINA

Size: 248 cm2

1 / 1

Nakon saslušanja potpredsjednika SPP-a Željka Asića

Uskoro optužnice u predmetu 'Patriot'

Nije bilo osnova za Asićevo zadržavanje u pritvoru

Željko Asić, federalni zastupnik i potpredsjednik Stranke pravde i pomirenja, koji je prethodno uhapšen pa pušten na slobodu, obuhvaćen je istragom Tužilaštva BiH u okviru akcije „Patriot“ koja ide u pravcu podizanja optužnica, potvrdio je jučer za „Avaz“ portparol Državnog tužilaštva Boris Grubešić.

On je potcrtao da za Asića, koji je prethodno saslušan u prostorijama SIPA-e i Tužilaštva BiH, nije bilo osnova za zadržavanje u pritvoru, te da se istraga intenzivno nastavlja.

Nakon što su istražitelji SIPA-e, postupajući po naredbi Tužilaštva BiH, privremeno izuzeli određenu dokumentaciju iz prostorija „Elektroprivrede HZHB“ u Mostaru zbog krivičnih djela primanja dara i drugih oblika koristi i protivzakonitog posredovanja za koja se tereti Asić, jučer su reagirali iz ove mostarske kompanije.

„Elektroprivreda HZHB“ saradivala je s pripadnicima SIPA-e te će i nadalje biti otvorena za saradnju sa svim nadležnim institucijama BiH i Fe-

deracije. Naš rad je zakonit i transparentan, tako da posjetu pripadnika SIPA-e ne doživljavamo kao nešto alarmantno - navodi se u saopćenju mostarske elektroprivrede.

Glavni osumnjičeni u akciji „Patriot“, za niz krivičnih djela među kojima su zloupotreba položaja i ovlaštenja te nezakonita pomilovanja, jeste predsjednik FBiH Živko Budimir (SPP). Asić i Budimir osumnjičeni su da su uzimali novac od osoba kojima su sređivali zaposlenje u „Elektroprivredi HZHB“.

A. Du.



Asić: Osumnjičen za primanje dara